

ዋሲ ጳውሎስን እሱንሳ ዋሲያ ጢሞቴዮስን ጋቻግሩ

ጢሞቴዮስ ይሰቴ ናኦ ክርስታና ኮንቶባሰ ሀቴ ኢሰያ ሰንፋና ካባሲክ እንቶባሲክ አይሁድ፤ አባባሲክ ደይ ግሪካዊዋ። ጳውሎስን ዋሰቶን ዞሞናዋ ምሰራቹን ካማሲ ካቱክ ታእሴሬ አርጋሲት ፈር። ጳውሎስ ጢሞቴዮስን ትችና ቴሱን ዋሲባሰ ኬዝ አርክ እርክ ድምታቱ ባግቴፋ።

ዙታምባሴ እሲስታን ዜምማ ዋሲያሰ ቤቴክርስታንሲ ካብራፋ ኤሻ አሱሲን ቴትንትሶን ኦድት ይፋርዋ። ኤስ እርባ አሱሲ እሳ ካዳሲክ አይሁድን ሳፋራ፤ እሳ ካድባሲክ እም ኦም ዳራን ሜን ሳፋራ ኤጶ ሰንፋና ካባሲክ «ሀን ቢሰቴፋ ዳሰ ቦርእክ ኪንና ፋር ሰንና ቦርእ ፋራሰ ቤሰቶናክ ችማናሰ ኦራ ደይ ኣቕ ሰንና አሩክናዋ እሳ እሳ ሙንታንናዋ ኤጵነዋ ግሩን እሲስታንና ቴትን ኦዳክዋ» ይፋ ሳፋራታ ካፕቴራ ዬሬ አሱዋ። እማ ኡግናክ ደይ ዋሲባሰ ቤቴክርስታንን ሀእሱነዋ ሀኦኒ ሺጶኒ ሰትርን አሲ አሱኒ ዞንሰነ፤ ኤሲሰማቶ ደይ ቤቴክርስታንን ዞንሰኒ ሜናዋ ባሶትን አርጋሰሴፌ ሜና ፎሶነክ ሾልሲፋ አማላኒ ኪቶ ኤጶዋ።

ኮእባሰታክ ደይ ጢሞቴዮስ የሱስ ክርስቶስን ማእ ዋሰትኛ ኣካክ ሰናናክ ሾልሲናማቶናዋ ሾዋ ክርስታናን ሜያኪክ ፋ ግድባሲክ ጳውሎስን ኪቶሶንቱ ቤሲፋ

ማፃፋሰ ሰሩክ ኤጵና ኤጶባሰ

ጋቻግሩ 1:1-2

ቤቴክርስታንነዋ ዋሰትኛባሳክቶና 1:3—3:16

ጢሞቴዮስን ዋሰቶሲ ችዋክ እምቴ አሰሱ 4:1—6:21

¹ እንኖትን ፋቲ ሀኦሲክ፤ አብድኒ ሰና የሱስ ክርስቶስን አጃጂሲክ የሱስ ክርስቶስን ዋሲ ሰና ጳውሎስን ኪን፤

² እማኖክ ፋቶኒ ናታ ሰና ትሞቴዮስን አባኒ ሰና ሀኦሰኪን ደይ ዳምኒ የሱስ ክርስቶስን ኦትማሴዋ ፋክያሴ ደይ ናጋሴ ኔክ ሰንፋውኻዋ።

ኤሽኒ አሱሰን ቴትቤሲሶን ኦዶሶነክ ማኬ

3 ሜቀድኒያ ሀምፋት ኔክ አዳራ ይናማቶ ኤስታ ፌሴ እሳ እሳ እሱኒ ሜያ ኤሻ አስሱ አሱናይቲማቶ ዛጉታክ ኤፌሶኑክ «ዱዋ» ይቻቸዋ።

4 ኬእኖይ ቶቸነዋ ኮእባ ፎንቶ ሰና ኮንቶኒ ፋዳሲ ዋልሴሬ ግርሶናይቲማቶ እጃጃዋ። ኤስ ወዛሲክቶ ክሪኪርቱ ኤጳ ያፋታኖ አማኖክ ዛግቲፋ ሀኦሲ ዋሰቶክ እነ ኬእፋዋ።

5 ሀን አጃጅሲ አላማ ደይ ካይማ ንብሰን፤ ማእ ካኑሰን፤ ፋቶኒ አማንቶታን ቤሰቲ ኬሸታናዋ።

6 እሳ እሳ እሱኒ ሜያ ሀን ኤፋቴና ችዋሰታን ኦር ኬሴሬ ኬእኖይ ዋላሲ ዋልሴቲ።

7 ኤስ ባርን ዛግሴፌሰ ቱማሲ አሲኛ ሰናክ ሾልሴፋትዋ። ሰኑንታኖ ማክሴፌ ባርን እነ አርሴፌ ወደይ እንኖ ፋቶዋ ይሴፌ ወዛሲን እነ ያዳቲሴፌዋ።

8 አሱ ማእሲሬ ዋሰቲፋናን ቱማሰ ማእር ሰንባሶን አርፌኒዋ።

9 ኤሲሰማቶ ደይ ቱማሰ ቱምቲናሰ ማእ አሱኒ ሜያክ ሰና ሻኪናማቶ አርፌኒዋ። ቱማ ቱምቲናሰ ማቶኒ ሜያክናዋ ቱማሲ ፎንቶ ወዛሲን ዛግሴፌ ባሶክ፤ ሀኦሶን ሺጶ ቤይፌ ቦርኒ ሜያክ፤ ኮርቶቤሰ ፎንቶ ሀኦሲ ካምኒማቶ ፎሶን ካሺፌ ባሶክ፤ አባ እንቶሶን ዋርሴፌ ባሶክናዋ ካ ዋርሴፌ ባሶክናዋ

10 ኤሲሰማቶ ደይ ጌርኬሴፌ ባሶክናዋ ኣርቃርና ኣርቃርና ዋል ኤጴፌ ባሶክና፤ አሱኒን ኡኬ ኤጴ ታሜ ዋግሴፌ ናጋደኒ ሜናዋ ኤሸቱኒ ሜናዋ። ኤሻክ ቲይፌ ባሶክናዋ ፋቶኒ አሱሶን አልዳ ዛግሴፌ ባሶክዋ።

11 ፋቶኒ አሱሰ ሀኦሰ ታክ አዳራክ እምና ኡልፍንቶ ምሰራቹኒ ካማሰኔን እሳርባ ፋርዋ።

ጳውሎስ ሀኦሲ ፋኪኒ ችዋክ እምና ጋላታ

12 ታን ዋሰቶክ ኮሪሬ አማናምቶ አሰሱ ዛግሬ ፋድሬ ታክ ሀግና እማ ዳምኒ የሱሰ ክርሰቶሰኒን ጋላቲፋወቻዋ።

13 አዉነ ፋርቱ ዜሞ ሰናክ ክርሰቶሰኒን ሜአሪ፤ ካብግር፤ ሳልጲሲር ሰንፋናክቱ ባር ታክ ፋኪ። ባር ደይ ታክ ፋኪናሰ ታ ኤስ ወዛሲክቶናን ዙትራ አራናይናዋ አማኖኖይና ዛግናር ሰንና ቦርእዋ።

14 ሀኦኒሲ ኦትማ የሱሰ ክርሰቶሰኒኒን ሰና አማንቶሴዋ ኬሸታናሴ እነ ዳይሰቲራ ታክ እምቲ።

15 «የሱሰ ክርሰቶሰ ቦርኒ ሜያኖን ፋቲክቲ ሀን ዳሰታ የዋ» ይፋ ካማሰ ፋቶነዋ አሱ ዙቲሬ ኤጴቶናክ ሾልሱዋ። ቦርእኒ ሜያሲን አሪክርን ቦርእባ ፌናሰ ታዋ።

16 ስኑንታኖ ታክ ፋኪያ ዛግቴዎ። ፋኪያ ዛግቴናስ የሱስ ክርስቶስ ኮእባ ፎንቶ ፋኪባሶን አሱ ዙታምባሴ አሲስታን አሪክሮን ቦርእ ሰና ታይሰታ ቤሱባሲክዎ። ኤሲስ ደይ ባርክ አማነፌ ባሶ ኮእባ ፎንቶ ካ ዳኖሶኒ ባሶክ ቤሶ ሰናናክዎ።

17 ኤሰ ባሪ ቦርእ ኮእባ ፎንቶ ታቶ፤ ክቱኖይ ባሪክ፤ ቢሰቶኖይ ባሪክ፤ እሳ ሀኦሲክ ኡልፍነዎ ጋላትነ ሀውቶኔን ካብራ ሀማ ኮእባ ፎንቶኖን ሰንፋውቻዎ! አሚን።

18 ናታ ትሞትዮሰኖ! ዜሞ ሰናክ ኔክ ራጅክ ማክቴናሲማቶ ሀን አጃጂሶን አዳራክ ኔክ እማናዎ። ኤሰ ራጅሲክ ዙኮስቴፋት ማእ ኔቦ ኔቦዎ።

19 አማናዎ ማእ ካኑን ኔክ ፋፋዉቻዎ። እሳ እሳ አሱኒ ሜያ ካኑቤሲሶን ኦዶኖይ ሜርኬቢሶን እፑዋሰ ካልላ ትሸክፋናሲማቶ አማንቶቤሲሶን ትሸክሴቴ።

20 ኤሰ ባሶሰን ሄሜነዎሰናዎ እሰኪንድርና ፌሴቴርዎ። ባሶ ሀኦሲታ ሜእኒ ካማ ማክሶኖይቴማቶ አርሶክ ሴጣናሲክ ኣትራ እምቻዎ።

2

ኣካክ ሀኦ ሺጶኒማቶ

1 ሀኦሶን ሺጶክናዎ ኡልፍንባሬ የሬ ካክና ማምሱ፥ ሺጶ፥ ናቱነዎ ጋላትነ አሱ ዙታምባሴ አሲክ ዛግቶናክ ኪትፋዉቻዎ።

2 ሀኦሶን ድኅክናዎ ማእ አማላክን ዙኮስቶክና፤ ናጋክናዎ ኮቾኖን ፎኒክ ደይ አርክሮን ታቶኒ ሜያክናዎ ሀኦሱኒ ሁግናቤሲ ፋና ቴጋ ድማሰታ ፌሴ ባሶክ ዙትራ ሺጶቲ።

3 ኤሰ ኤፋ ሺጶሰ እኖትን ፋቲ ሀኦሲ ሰና ማእር ደይ ግርሱ ዉዛዎ

4 ሀኦሲ ሳፋራ አሱኒ ሜያ ዙቴሬ ፋርሶነክናዎ ፋቶሶን አርሶነክዎ።

5 ሀኦሰ እሳርዎ፤ ጋነያሲ ፊፋት ሀኦሴዎ አሱሰንና አሲን ጋነሰፊሰ ደይ እሳርዎ። ኤሰ ባር ደይ አሱ ሰና የሱስ ክርስቶስዎ።

6 አሱኒ ሜያኖን ዙትሬ ቦርቤሲሰን ፋርክ ቴትባሶን ፋሪ ዛግሬ እማሰ ደይ ባርዎ። ኤሲስ ደይ ፋቶኒ ዎንባ ካርፋና ካባሲክ ሀኦሲ ፋቲኒ ዎስቶሶን ቤሰፋ ዛላዎ።

7 ታ ደይ አማንቶኒ ካማሶንናዎ ፋቶኒ ካማሶንና ማኮክ ዎሲናዎ እሰኛና ሰንና አዛብኒ ሜያክ ዎስቴናሰ ኤሰ ባሪ ቦርእዎ። ኤሰ ባርን ደይ ማኬፋና ካባሲክ ፋቶሶንቱ ማኬፋንታኖ ኤሻኖንታዎ።

8 ኤሴ አፍፋ ድማሰታኑ ፌ አርቃሱኒ ሜያ ግእነዋ ፋሶነ ቤየ ቲትቤሲሶን ሀኦሲክ ኮሪሬ ኩሹብሲሶን ካቡግቤሬ ሺጶሶነክ ሾሌፋዉቶ።

9 ኤሲሰማቶ ደይ ማሸካ ሜያ ሶምቤሲሶን ኬሹክ ወደይ ዋርቄክ ወደይ እንቁክ ወደይ ዋግባ ችማ ማምኒ ማያክ ሰኖይናርን ድጋክናዋ ቲትኒ ዳ ኤጶክና ባሶክ ሾልሱ ሰና ማማ ማዮቶ።

10 ሀኦሶን ሺጶፌኒ ይሴፌ ማሸካ ሜያ ዛግሶነክ ሾልሱ ኡግናክ ማእ ዋሰቶክ ቲትቤሲሶን ኬሹሶቶ።

11 ማሸካ እሱ ድጎክናዋ እጃጃሞክና አሩን።

12 ማሸካ እሱ አርቃሱኒን እሱናክ ወደይ አርቃሱላታ ሀእሱኒ ሀግናባ ፎናክ ታ አፋ ማእ ኡናዉዛ። ባር ሻኩናክቱ ሾልሰፋዋ።

13 ዜምሜ ቲስቲስ አዳሞዋ፤ አርፎቱ ሄዋን ደይ ቲስቲዋ።

14 ደይ ኤሽቲሰናዋ ሀኦሲ ቱማኖን አታሰና ማሸካሰታና አዳምቲዋ።

15 ሰኑነታኖ ማሸካሱ አማኖክናዋ ኬሽታናክና ደይ ኮርቶክ ቲትባሶን አድዳ ፋራ ናኒ ኮጶክቱ ፋሩናዋ።

3

ቤቴክርሰታንኒ ዞንሰኒ ሜያ

1 እሳ አሱ፦ «ቤቴክርሰታንኒ ኩርኡ ሰናናክ ሾሌፋና ኡልፍንቶ ዋሰቶቱ ካልቴፊዋ» ይፋ ካማሰ ፋቶዋ።

2 ኤሰ ባሪ ቦርኣ ቤቴክርሰታንኒ ኩርኡ ሰና አሱ ዝናባ ፎንቶ፤ እሳ አሱኒ ቲጎ፤ ማእሪክ ፌፌር፤ ቲትባሶን ሀእሲር፤ ሾልሱ ኡግናሲክ ዋሰቴር፤ እርባኒ ኤጶር፤ እሱክ ችሞባ ፊናር፤

3 ዛዮኖር፤ ክርክር ሹንኖር፤ ጋራም፤ ችዋ ሾሎኖር፤ ዋጋ ኬሽቶኖር፤

4 ባሳ ኬርኪ እሱኒ ሜያኖን ማእሰፌ ሀእሱክ ችማር፤ ናንጎትባሲክ ሾልሱ ኡልፍና እሜት እጃጃሜር ሰናናክቱ ሾልሰፋዋ።

5 እሱ ባሳ ኬርኪ እሱኒ ሜያኖን ሀእሱክ ችምኖር ሰንፋናን ሀኦኒ ቤቴክርሰታንኒን አካክ ሀእሱክ ችምኒርን?

6 ቤጋንቶክ ቲትባሶን ቲግሬ ዳቡሎሰኒሰታ ማጃሱ ካቴናሰማቶ ሰንፎይናማቶ ጋድዶ አማኒሰ ቤቴክርሰታንኒሲ ዞንሰ ሰናናታዋ።

7 ዝናክናዋ ሴጣናኒ ኤሽምያሲ ግሩኖይናማቶና አማኖይ ኢሱኒ ሜኒ ሰና ማእ ሱንባ ፎናክ ሾልሰፋዋ።

ዳቆኝኒ ሜያ

8 ኤሲስማቶ ዳቆኝኒ ሜያ ኡልፍንቶናዎ ዎሉምቤሲሲክ ዛግ፤ አካማ ወይኒን ኡሻ ኡሽኖር፤ ዋጋ ጀሮኖር ሰናነክቱ ሾልሲፋዎ።

9 ደይ አማንቶኒ ኣቶ ችዋሶን ካይማ ካኑክ ኦዳር ሰናናክ ሾልሲፋ።

10 ባሶ ደይ ዜምሜ ፋታንቶሶቶ፤ ኤሰታን ዝናቤሰ ፎንቶ ሰነሬ ቤሰቴሴፋቴነ ዳቆኝ ሰንነ ዎሰቶሶቶ።

11 ኤሲስማቶ አሱቤሲሲክቶ ኡልፍንቶ፤ አሱኒን ሀማቶኖር፤ ማአሪክ ፋር፤ ዙታምባሴ አሲስታክ አማናምቴር ሰናናክ ሾልሲፋ።

12 ዳቆኝኒ ሜያ እሳ እሳርቤሲሲ እሳ አሱኒ ቴጎ ሰናነክ ሾልሲፋ። ናንጎትቤሲሶንናዎ ኬርኪ ባሶትንና ማአሪክ ሀእሱሶነክቱ ሾልሲፋ።

13 ዳቆኝኒ ዎሰቶሶን ማአሪክ ዎሰቴሴፌ ባሶክ አካማ ኡልፍናቱ ሾልሲፋዎ። የሱስ ክርሰቶሰኒሰታ ፋ አማንቶቤሲሲክ ደይ ድጋ ፎንቶኖን ማኮኒ ችማ ዳኖሶነዎ።

አካማ ኣቶ ዉዛ

14 ኔኪ ዮናክ አብዱ ዛግፋናክኑ ሀን አጃጂሶን ኔክ ትቶፋዉቻዎ።

15 ኤሰ ባርን ደይ ትቹናሰ ታ ዎክፋናክኑ አሱኒ ሜያ ሀኦሲ ኬሩክ ኣካክ ፎሶነማቶ አሩታክዎ። ኬያሰ ደይ ሀየዎ ሀኦሲ ቤቴክርሰታኒዎ። ባር ደይ ፋቶኒ ዬቶነዎ ካፑትነዎ።

16 ፋቶኒ ሀይማኖቲሲ ኣቶ ችዋ ኤክ ሀቻ ኡባ ፎንቶኖን አካማዎ። ኤሰ ባር ደይ ሀኦሲ፡-

«አሱ ሰንነ አምማኖን ቤሰቴ፤

ፋቶ ሰንባሰ እያናክ አርቴ፤

ሀኦኒ ዎሲያክ ቤሰቴ፤

ዳራ ዙታምባሴ አሲክ ማክቴ፤

ሀን ዳሰታኪ ፌ አሱኒ ሜያ አማነሴቴ፤

ኡልፍናክ ደን ሳማ ሀሚ» ይፋርዎ።

4

ኤሽቱ አሰሲኛኒ ሜያ

1 ኮርቶ እያናሰ አምማኖን፡- «ኦርፎሰታኪ ነያሲ እሳ እሳ አሱኒ ሜያ ኤሽቱ ዳግሲፋ እያናሰንናዎ ኪናሰ አሱክና ዙሰቴሴሬ ሀይማኖትቤሲሶን ሞርሞሶነዎ» ይፋዎ።

2 ኤስ ኤፋቴና አሰሱሲ ኮርኦ ታነ ፌ አሱ ኣፌ ኡሲ፤ ኤሻኖን ዋል ሌሴፌ ካባሲክ ኪቹ ብታክ ኪቹርነ ፋሮን ታቻ ካኑቤስ ፋና አሱኒ ሜያክቻዋ።

3 ኤስ ኤፌቴና አሱኒ ሜያ ኤጵነ ግሩነ አሲን ካለቱ ፌሴፌዋ። አማነፌ ባሶናዋ ፋቶሶን አርሴፌ ባሶና ባሮን ጋላቴሴት ሙሶነክ ሀኦስ ቴሰና ሙሶን፡- «ሙትታ» ይት ካለፌ።

4 ሀኦስ ቴሰና ሙሰ ዙቴራ ማእርዋ። ጋላታክ ኤጴቴሴፋቴነ ሀኦቶኒ ዉዛ እሳንነ አፋዋ።

5 ሀኦሲ ካማክናዋ ሺጾክና ካይማ ሰናናዋ።

ክርሰቶስኒክ ማእ ዋስትኛ ሰና

6 ሀን አሩሶን አማኝኒ ሜያክ አሰሳታነ የሱስ ክርሰቶስኒ ማእ ዋስትኛ ሰናታዋ። ኤስ ፋቶኒ ካማሲክ ዙኩቴፋታነ ድቕኔሶን አምማኖን ቤሱታዋ።

7 ሀኦሶን ሺጾ ሰንኖይ ሀን ዳሰታኪ ቶቕሰታን ዋክዋ። ሀኦሶን ሺጾክ ቴትኔስ ደሰቶናክ ዛጉዋ።

8 እቱ ቕማናክ ዛግፋ አሱሲክ ቴትኔስ ደሰቶናክ ዛጉ ከአፋናስ ጋሮኖንቻዋ። ስኑንታኖ ሀኦሶን ሺጾክ ቴትኔስ ደሰቶናክ ዛጉስ ሀሽቲ ባሪክናዋ ዮኒ ካሲክና አብድባ ፋር ሰንና ቦርኦ ዙታምባሴ አሲክ ኬእአርዋ።

9 ሀን ካማሰ አሱ ዙቴሬ ኤጴቶናክ ሾልሱ ደይ ፋቶ ዋላዋ።

10 እንኖ አሱ ዙታምባሴ አሲን አርክሮን ደይ አማነፌ ባሶትን ዙትራ ፋቱኒ ሀየዋ ሀኦሲክ አብድ ዛግኒር ሰንና ቦርኦ ዋስቶክ ሆፕፌኒ ደይ ካቤፌኒዋ።

11 ሀን ዉዛሲክቶኖን እጃጃ ደይ አሰሱ።

12 ናኦ አሱ ሰንታ ቦርኦ ኦኦ ኔን ካሹናታ። ሰኑንታኖ ዋላክ፥ ፎክ፥ ኬሸታናክ፥ አማኖክናዋ ኮርቶክና አማነሴፌ ሜያክ ቤሶ ሰቻዋ።

13 ታ ዮና ካባኔን ኮርቶ ማፃፋሶን አሱኒ ሜያክ ፌሬቱክ፤ ማኮክናዋ አሱክና ቕምማ።

14 ኔክ ራጅ ማክቴና ዋኔንናዋ ቤቴክርሰታኒሲ ኩርኡኒ ሜና ነይሰታ ኩሹቤሲሶን ታእሬ ሺጾሴቴ ዋኖት ኔክ እምቴ ሀኦሲ ኦቱምኒ እማኖን ዳጎታታዋ።

15 ነ ድቕሶን አሱኒ ሜያ ዙቴሬ ብየነክ ኤስ ዉዛሰታ ቕምማ። ኤስ ዉዛሲክቶኖን ዋስቶታ ፌሹክ አቴኔሶን ዙትራ ባሶክ እምማ።

16 ነ ቲታሲክናዋ አሲፋታ አሱሲክና አሩዋ። ኤስ ወዛሲክቶታ ችምማ። ኤስ ባርን ዛጋታን ቲትኔሶንናዋ ኦደፌ ባሶትንና ፋኦታዋ።

5

እማኝኒ ሜያክ ሾልሰ ኪቶ

1 ኩርኡ አሱሰን አባ ዛግራ ኪቲታኖ ኬኡታታዋ። ናኦ አርቃሱኒ ሜያኖን አይኒ ሜያ ዛግራ ኤጵዋ።

2 ኤሲሰማቶ ኩርኡ ሜያኖን እንቶ ዛግራ ደይ ናኦ ማሽካ ናንጎታሶን ኤት ዛግራ ማእ ካይማክ ቢዋ።

3 ቲጎቤሲ ክትፋን ፋቶክ አርጋሱ ሾልሲና ድቻ አሱሲክቶኖን ኡልፍንሱዋ።

4 እፋ ቲጎባ ክትና ድቻ አሱሲ ናንጎትባ ወደይ ናባሲ ናንጎትባ ፋፋና ኤስ ናንጎታሰ ዜምማ ኬርክ ሜያኖን አርጋሱናክ፤ ኮኒ ባሶክናዋ እፖኒ ሜያክና ድቻሴቲ ኮዋሶን ዋልጉናክ ሀኦኒ ካምኒማቶ ሾልሱ ሰንባሶን አሩሶንዋ። ኤስ ባር ደይ ሀኦሶን ግርሱኒ ወዛዋ።

5 ድቻ ሰንና ቲትባክ ፋፋ አሱሰ አብድባሶን ሀኦሰታ ዛግራ ዋላክናዋ ዋናክና ሀኦኒ አርጋሱ ዳናናክ ሺጾክ ችምማ ፎንዋ።

6 ሰኩንታኖ ሀን ዳሰታኪ ፎኒ ግራሶን ሾሌፋ ድቻ አሱ የሮባሴ ፋጌዶ ክቲዋ።

7 ዝና ፎንቶ ሰንና ፎሶንክ አሱኒ ሜያኖን አሱዋ።

8 እሳ አሱ ባሳ ቲትኒ ኮኒሰን ወደይ አርክሮን ታእሶ ባሳ ኬርኪ አሱኒ ሜያኖን አርጋሱኖር ሰንፋና ነይማኖትባሶን ሞርሜ አሱዋ፤ ደይ አማኖይ አሱሳታን ደናሎ ማቕዋ።

9 ዋጋባሰ እሱናሰሬኔን ዳካሎ ሰና ቲጎባሰ ክትና አሱሶን ድቻ አሱሲክቶኒ ፋዳሲ ትቹታታዋ። ደይ እሳ ቲጎኒኪ ግርራ ፋር ሰናናክ ሾልሲፋ።

10 ባር ናንጎትኒ ድቹክ፤ እርባኒን ኤጵቶክ፤ እማኝኒ ሜኒ ዋቾ ማሳክ፤ ራክኮሲ ፌሴ ባሶትን አርጋሱክናዋ ማእ አማላክና ቲትባሶን አማክና ማእ ዋሰቶክ አርቶ ሰናናክቲ ሾልሲፋዋ።

11 ባሶ አሽኒ ኤናንቶሰ ባሶትን ሜሬራ ክርሰቶሰኒሰታ ፋ ኬሽታንቤሲሰ ዮእፋና ካባሲክ ቲጎኒኪ ግሩክ ሾልሴቲር ሰንና ቦርእ ናኦ ድቻ አሱሲክቶኖን ማዝጋቢሰ ትቹታታዋ።

12 ኤስ ድቻ አሱሲክቶ ዜሞቲ ግርሴቲ ቲያሶን ኦዳ ቤየቲር ሰንና ቦርእ ባሶሰታ ማቕሱ ካቲርዋ።

13 ኤስ ባርሰታን ደይ ዋሰቶኒ ኮታክ አርሴቲር፤ ኤስ ባር ኮእባ ሰኖይናሮን እሳ ኬሩን እሳ ኬር ሀሜፋፌ ባሶክ ሾልሱኖይ ዋል ላ ዋል ሌሴት ሀማቲትናዋ አሱኒ ችወሲ ግርሴር ሰነቲር።

14 ኤስ ባሪ ቦርኣ ናኦ ሰንነ ፌሴቲን ቲጎቤሰ ክትና ማሸካ ሜያ ግርሴሬ ናንጎታ ኮኑሶነክ፤ ኬቤሲሶን ሀእሱሶነክ ኪትፋንዋ። ኤስ ባሪክ ጉማሰ ሱንኒ ማጃሱኒ ኡግና ቱርኩናዋ።

15 ዜሞ ሰናክ ቱጎባ ክትና እሳ እሳ ማሸካ ሜያ ሴጣናሲክ ዘኑሰቲሴሬ አማንቶኒ ኡግናሰታን ሻቲሴቲዋ።

16 ክርሰታና ሰና እሳ እሱ ኬባሲክ ቱጎባ ክትና ድቻ እሱሲክቶ ፋሴፋናን ቤቱክርሰታኒሲክ ባኣ ሰኖይቲማቶ ኤስ እሱሲክቶኖን አርጋሱን። ኤካክ ቤቱክርሰታኒሲ አርጋሱኒ እሱባ ፎንቶ ድቻ እሱሲክቶኖን አርጋሱክ ችማናዋ።

17 ቤቱክርሰታኒሲን ማእሰሬ ሀእሲፌ ባሶ አርክሮን ደይ ካምባሶን ማኮክናዋ አሱክና ሆፕሴፌ ኩርኡኒ ሜያክ አካማ ኡልፍና ባሶክ ሾልሲርዋ።

18 ኮርቶ ማፃፋሰሲ፡- «ሜያ እቶፋ ጋቻዋሲ ኖኖኖን ታርኣታታ» ይሰቲዋ። ኤሲሰማቶ ደይ፡- «ዋሰትኛሲክ ዳሞዛባ ካሰቶናክ ሾልሲር» ይፋዋ።

19 ሄፕ ወደይ ኬዝ እሱኒ ሜያ ዛላ ማኮሶኖይቲሮን ቤቱክርሰታንኒ ኩርኡሳታ ካእርፋ ማላታሶን ኤጳቶታታዋ።

20 ኦምኒ ሜያ ድግሶነክ ቦርኣ ዋሰቲ እሱሰን አሰሱ ዙታምባሴ አሲ ሰናክ ኬእኡዋ።

21 ዛግፋታ ዉዛ ዙታምባሴ አሲሰታ እሳይሰን ኦሚሳታን አርክሱኖይ ወደይ ኣኒንኑ ኮሩኖይ ሀን ኪትፋና ባሮን ዛጉታክ ሀኦሲ ሰናክናዋ የሱሰ ክርሰቶሰኒክ ኮርቲ ሀኦሲ ዋሰኒ ሰናክና አዳራ ይፋዉቶዋ።

22 ኩሹኔሶን እሱኒሰታ ታእሬ ታትሱክ ታፕቶታታዋ። ቲትኔሶን ካይማክ ኦድታኖ ኦም እሱኒ ሜያኔን ቦርኒ ዋሰቶሰኔን አነ እሳር ሰንናታታዋ።

23 ካትኔሲ ሜርሲክናዋ ዋንና ዋንና ሜሬፋ ሜርኔሲክና ጋር ዋይኒን ኡሻ ኡሽታኖ አካ አካ ኡሻታታዋ።

24 እሳ እሳ እሱኒ ሜኒ ቦርኣሰ አማ ሰንባሲክ ታእኒን ማጃሱ ካቶኒር ሰንባሶን ቤሰፋዋ። ሰኑንታኖ ኦም እሱኒ ሜኒ ቦርኣሰ አምማኖን ቤሰቲፋናሰ ዋካዋ።

25 ኤሲሰማቶ ማእ ዋሰቶሰ ደይ አምማዋ፤ አምማ ሰንኖይ ባር ደይ እቶራ ኣፋ ፋእቶናዉዛ።

6

ቦዝኒ ሜያክ እምቲ ኪቶ

1 ሀኢሲ ሱንነዋ እንኖ አሰሱሴ ሜቾኖይናማቶ ቦዝኒ ሜያ ዙቴሬ ዳምቤሲሳክቶኒክ ሾልሲፋናማቶ ኡልፍንሱሶቶ።

2 ዳምቤሲሰ አማኝ ሰነ ቦዝኒ ሜያ ዳም የሱሰኒኪ ካሞ አይ ሰነቴ ቦርኣ ካሹሶሶኔታዋ። ኤሰ ባርሰታን ዎሲቴሴፌ ዎስቶሰታን ቡኣ ዳነፌ ዳምኒ ሜያ አማኝ ደይ ሹንቶ አይኒ ሜያ ሰነቴ ቦርኣ ዜሞቲሰታን አርክሰሬ ባሶክ ዎስቶሶቶ። ነ ደይ አሱታክናዋ ኪቲታክና ሾልሲናሰ ኤሲሶቻዋ።

ኤሽኒ አሱነዋ ፋቶኒ ኦቲምነ

3 ፋቶኒ ሀኢሶን ሺጶኒ አሱሰነን እነ እሳር ሰና ባሮን፤ ዳምኒ የሱሰ ክርሰቶሰኒ ካይማ ካማሶን ቤይፋት ኦማ አሰሱ አሲፌ ባር፤

4 ኤሰ አሱሰ ቤጋንቶክ ክቴ እሳ ወዛኑ እነ አርፌዋ። ሰኑንታኖ ሰንኖይ ካምኒ ካራካርነዋ ፋሶነ አሲ ማቾ ኤናንቶቱ ባሳሰ ፋርዋ። ኤሰ ባር ደይ ማቾ ኮና፣ ፋሶ፣ ሜኣ፣ ማቾ ላጸባቶነ፤

5 ኤሰ ወዛሲክቶ ደይ ፋቶሶን ኦምቲ አሱኒ ሜኒ ጋነያሲ ዛግቴፋ ቡዱኖይ ክርክርሶንቱ ኤጶ ያፋዋ። ኤሰ ኤፌቴና አሱኒ ሜያ ሀኢሶን ሺጶሰ ባሶክ ኦቲምኒ ዳንኒ ኡግና ሰንናቱ ቤሰቴፋዋ።

6 ሰኑንታኖ፡- «ፋዪሰ ታክ ሆሮና» ይፌ አሱሳ ሀኢኒ ሺጶሰ ባሪክ እካማ ቡኣባዋ።

7 እንኖ ሀን ዳሰታክ እሳ ወዛነ እነ ኤጶ ዮዌኒዋ። እሳ ወዛ ደይ ኤጶ ሀን ዳሰታኑ ኤጶ ሀማኒር ኣፋ።

8 ኤሰ ባሪ ቦርኣ ሙነዋ ማምነ እኖክ ፋፋናነ ሆሮናዋ።

9 ሰኑንታኖ ኦቲም አሱ ሰናክ ሾልሴፌ ሜያ ፋታናሲቱ ጋንደሴፌዋ። አሱኒ ሜያኖን ማቻሰራ ትሽክፋ ኬእኖይ እካማ ማቾ ኤናንቶኒ ኤሽምያሲክቱ ኦቲሴፌዋ።

10 እሳ እሳ ሜያ ኤሰ ባሮን ኤናንቴሴሬ ሀይማኖትሰታን ሻቴሴሬ እካማ ሻናሲ ጋንደሴቱዋ። ኤሰ ባር ደይ ሰንፋናሰ ብርኒ ሹናሰ ማቾ ዙታምባሴ አሲ ቱዛ ሰንና ቦርኣዋ።

ጳውሎስ ትምትዮሰኒክ እምና ኪቶ

11 ሀኢኒ አሱኖ! ነ ኤሰ ባር ዙታምባሴ አሲሰታን ሻቶዋ። ኦኮ ሰናሶን፣ ፋቶኒ ሀኢሲ ካምኒማቶ ፎሶን፣ አማንቶሶን፣ ኬሽታናሶን፣ ፋክያሶን፣ ቾምሜ የርሶንናዋ ጋራማሶንና ሾሎዋ።

12 ማእ አማንቶኒ ኔቦሶን ኔቦዋ። ሾዎ ዛልኒ ሜኒ ሰና ፋቶኒ ዛላ ማኬታ ኮእባ ፎንቶ ካሶን ዛግራ ኤጽዋ።

13 ዙታምባሴ አሲክ ካ እምፋ ሀኦሲክናዋ ፐንቴናው ጽላጦሲ ሰና ማእ አማንቶክ ዛላ ማኬ የሱሰ ክርሰቶሲ ሰናክና ኔን እጃጀፋዉቻዋ።

14 ዳምኒ የሱሰ ክርሰቶሰ አምማኖን ቤሰቶና ካባኔን ሀን አጃጂሶን ኪናነዋ ዝንነ ፎንቶና ሰንና ኦድዋ።

15 ኤሰ ክርሰቶሲ አማ ቤሰቶሰ ሱሰቶነዋ ባር ባር አእሰኛ ሰና ታቶኒ ሜኒ ታቶ፥ ዳምኒ ሜኒ ዳም ሰና ባር ዱሰና ዋናሰታክ ሰናናዋ።

16 ባር ባርቱ ክቱኖርዋ፤ ኦኑ ታኤ ብያክ ችምኖይና ቻሬፋሲቱ ፌፌዋ። ባሪን ብያር እሳር ኦኑ አፌ፤ ኦኑ ደይ ባሪን ብያናክ ኦፋ ችማናዉዛ። ኡልፍነዋ ኮእባ ፎንቶ ሀግናነ ባሪክ ሰንፋውቻ፥ አሚን።

17 ሀን ዳሰታኪ ኦቱምኒ ሜያ ትሹኒ ኦቱምቤሲሲክ ጌእኦኖይቱማቶ ወደይ አብድቤሲሶን ሰንኖይ ኦትማሰታ ዛግሶኖይቱማቶ አጃጀዋ። አብድቤሲሰ እኖትን ግርሱናክ ዙታምባሴ አሲን አርክሰራ እምፋ ሀኦሰታ ዛግሶነክ አጃጀዋ።

18 ደይ ማእ ዋሰቶ ዋሰቶሶነክ ባሶክ ፋ ባርን ደይ ሃእኤ እማክ ማእ ኡሶነክ አጃጀዋ።

19 ኤሰ ባሪክ ፋቶ ሰና ካሶን ዳኖነክ ኖኒ ነያሲክ ደይ ዛጋ ካፑትባ ፋና ኦትማ ባሶ ቲታሲክ ዙቱሶነዋ።

20 ትሞትዮሰኖ! አዳራክ ኔክ እምቲ ባርን ኦድዋ፤ ሀኦሶን ኡልፍንሱኖር ባክ ዋላሰንናዋ ቱጋኦክ ኤሽኒ እሩ ሰና ቲችማሰን ዋክዋ።

21 ኤሰ ኤፋቴና አሩኒ ፋር ይሴት ፌሴ እሳ እሳ አሱኒ ሜያ ኤሰ ባርን ዛጉክ አማንቶኒ ኡግናሰታን ሻቴሴቲዋ። ሀኦሲ ኦትማ ንቶኔን እነ ሰንፋውቻዋ።

ገጽ ትያ

**The New Testament in the Yemsa language of
Ethiopia, Ethiopic script**

copyright © 2025 The Word for the World International

Language: (Yemsa)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-06

PDF generated using Haiola and XeLaTeX on 5 May 2025 from source files dated 6 May 2025

03dcb1ff-0ef6-5f0e-a777-31ea8d578ea7